

【附錄一】丘逢甲、黃遵憲詩文往來內容彙錄

時間	作者	題目	體裁、數量	內容	出處
1890	黃遵憲	〈歲暮懷人詩〉	七絕 1 首	赤嵌城高海色黃，乍銷兵氣變文光。他年番社編《文苑》，初祖開山天破荒。 ¹	《人境廬詩草》 ² 卷 6 頁 550
1898	丘逢甲	〈題黃遵憲人境廬無壁樓聯〉	對聯	陸沉欲借舟權住， 天問翻無壁受呵。	《丘逢甲集》 頁 693
1898	黃遵憲	〈人境廬之鄰有屋數間，余購取其地，葺而新之，有樓巋然獨立無壁，南武山	七律 1 首	半世浮槎夢裏過，歸來隨地覓行窩。陸沉欲借舟權住，天問翻無壁受呵。偶引雛孫問初月，且容時輩量汪波。灣灣幾曲清溪水，可有人尋到釣簑？	《人境廬詩草》卷 9 頁 794

¹ 自註：丘仙根工部。

² 本表出處欄所使用的《人境廬詩草》版本為：錢仲聯《人境廬詩草箋注》上下 2 冊，台北，源流文化事業公司，1983.4。

		人爲書一聯 曰，陸沉欲借舟 權住，天問翻無 壁受呵，因足成 之〉			
1898	黃遵憲	〈台灣行〉原稿 本無此詩，蓋戊 戌回鄉以後所 補作。極可能在 與丘逢甲見面 後所作。	七言古體 66 句	城頭隆隆雷大鼓，蒼天蒼天淚如雨，倭人竟割台灣去。當初版圖入天府，天威遠及日出處。我高我曾我祖父，艾殺蓬蒿來此土，糖霜茗雪千億樹，歲課金錢無萬數。天胡棄我天何怒，取我脂膏共仇虜。眈眈無厭彼碩鼠。民則何辜罹此苦？亡秦者誰三戶楚。何況閩粵百萬戶。成敗利鈍非所覩，人人效死誓死拒，萬眾一心誰敢侮，一聲拔劍起擊柱，今日之事無他語，有不從者手刃汝。堂堂藍旗立黃虎，傾城擁觀空巷舞，黃金斗大印繫組，直將總統呼巡撫，今日之政民爲主，台南台北固吾圉，不許雷池越一步。海城五月風怒號，飛來金翅三百艘，追逐巨艦來如潮。前者上岸雄虎彪，後者奪關飛猿獠。村田之銃備前刀，當輒披靡血杵漂。 神焦鬼爛城門燒，誰與戰守誰能逃？一輪紅日當空照，千家白旗隨風飄。搢紳耆老相招邀，夾跪道旁俯折腰，紅纓竹冠盤錦條，青絲辮髮	《人境廬詩 草》卷 8 頁 687

				<p>垂雲（上髟下肖），跪捧銀盤茶與糕，綠沉之瓜紫蒲桃，將軍遠來無乃勞？降民敬為將軍犒。將軍曰來呼汝曹，汝我黃種原同胞，延平郡王人中豪，實關此土來分茅，今日還我天所教。</p> <p>國家仁聖如唐堯，撫汝育汝殊黎苗，安汝家室毋譏譏。將軍徐行塵不囂，萬馬入城風蕭蕭。嗚呼將軍非天驕，王師威德無不包，我輩生死將軍操，敢不歸依明聖朝。噫噫吁！悲乎哉！汝全台，昨何忠勇今何怯，萬事反覆隨轉睫。平時戰守無豫備，曰忠曰義何所恃？</p>	
1898	丘逢甲	〈感事〉20首 （又名〈政變詩〉）應是拜訪黃遵憲後深刻了解維新運動所作	五律20首	<p>九葉華夷主，周天兩歲星。艱難為社稷，臥病自宮廷。下詔醫方出，朝正典禮停。須防中外口，一疏護皇靈。</p> <p>莫向帝鄉問，南陽多近親。未能成革政，相厄有尸臣。廟算歸權威，宮符付椽人。空教天下士，痛哭念維新。</p> <p>不得絳灌意，況乖黃老言。東朝更稱制，北寺漫呼冤。城旦書何益？家人語自尊。刊章獄方急，浸欲逮平原。</p> <p>未竟三司問，先行兩觀誅。翻憐八司馬，竟動五單于。冒頓書何慢，公羊學太愚。休持覆楚志，雪涕向勾吳。</p> <p>死者今長已，誰憐曠代才？人方誇火色，天竟予奇災。謀豈青蟲亂，歌成黃鳥哀。漢廷紆黨禍，莫待鬼師來。</p>	《丘逢甲集》 卷4頁303

			<p>堯舜女中出，先朝祖制收。成風雖母魯，太姒繼臣周。屢換璇宮曲，空增漆室憂。誰書月食既，變例釋春秋。</p> <p>仙尉書難上，衰朝事可知。新軍五虎立，舊御六龍移。將選巨毋霸，伶歌阿得脂。休云小雅怨，不獨爲榮夷。</p> <p>萬里堯城望，天涯憶聖君。皇綱先紐解，國勢近瓜分。當道嚴鈎黨，無人議合群。臣民四萬萬，王在更誰勤？</p> <p>厚薄分南北，胡元祚易微。本朝無異視，四海久同歸。廟略因誰變？民心失所依。一言邦可喪，但計滿人肥。</p> <p>長頌仁皇聖，千秋賦不加。誰持兩軍柄？全付五侯家。餉急惟搜括，民窮益怨嗟。可憐稱報效，妙計諫官誇。</p> <p>委鬼當頭坐，宮闈事可嘆。咸知五父寵，併作祿兒觀。枉請朱雲劍，爭彈貢禹冠。家奴翻受制，天語倍辛酸。</p> <p>萬葉憐仙李，群歌武媚娘。共誰天下計，嗟爾近支王。玉牒名空貴，金輪焰太張。無君過三月，下土獨皇皇。</p> <p>未罷鴻都學，先停有道科。金銀潛氣轉，文武異才多。盡解營中旨，休虞倒太阿。濁流何混混，極目望黃河。</p> <p>遺種傳烏洛，飛車過紫濛。神龍秋失水，胡馬夜嘶風。外援憐桑相，</p>	
--	--	--	---	--

				<p>中朝憶魏公。浮雲連北極，時論太汹汹。</p> <p>空益朱車衛，難回鐵路權。蠻雲遮楚粵，漢月冷幽燕。願請修宮價，先添橫海船。已無夷夏界，何處說防邊？</p> <p>濱海無安土，潢池更弄兵。鯨波春溢岸，孤火夜連城。已誤通商局，翻增保教名。痴聾吾羨爾，高會集耆英。</p> <p>天下誰健者？出門橫佩刀。常人嘆龍種，神器等鴻毛。木落諸陵哭，花嬌大帥豪。荊州劉表在，八俊自名高。</p> <p>未得河湟復，邊材少義潮。休祥頌沙鹿，累葉媿金貂。誰竟抱雄略，而甘事牝朝。皇輿如反正，終爲剪天驕。</p> <p>縱不焚坑慮，危機實儆予。頗聞膠海騎，漸近聖人居。吾道多華士，前知缺素書。誰將御侮意，拔劍斬鯨魚？</p> <p>長白無能守，何顏對祖宗？和戎仍宰相，仰屋自司農。道路嗟群虎，風雲待蟄龍。願呼忠義士，傳檄保堯封。</p>	
1899	丘逢甲	〈和平里行〉 ³	七言古體	蓮花峰頭望帝舟，雙忠祠前吟古愁。日星河岳浩然氣，大筆更向蠓墩	《丘逢甲集》

³ 自註：和平里三字碑，爲文丞相書，潮中志乘罕有載者。潮陽縣志云：景炎三年十月，文丞相率師駐潮陽之和平里，討叛將劉興、陳懿。懿敗走，擒興戮於和平之市。按此即公集杜詩序所謂稍平群盜、人心翕然時也。興、懿故劇盜，歸正復叛降元者，故公詩序及史皆書曰盜，從其朔也。志曰：「叛將」，定其後罪也。惟志以爲景炎三年十月則誤。應從史作祥興元年。是年五月已改元，十月不得復繫景炎。志蓋誤以明年方改元也。是役也，鄒（左水右鳳）、劉子俊兵皆會，

			84 句並序	留。里人敬忠寶遺字，未入南中金石志。我來下馬讀殘碑，弔古茫茫滿襟淚。三閩四廣何蒼黃，胡塵上掩天無光。力支殘局賴丞相，間關萬里來潮陽。雙髻峰高練江曲，長橋小市駐行囊。破碎河山小補完，警枕中宵睡初熟。於時人心方翕然，盜魁擒馘尸軍前。四方響應大和	卷 5 頁 322
--	--	--	--------	--	-----------

潮中人士亦多效忠赴義者。故曰「人心翕然也」。逆懿已走，遂引元師襲公。於是，有五坡嶺之役。志云十二月二十日，與通鑑云閩十一月者不合，然事較詳。志云：時公吞腦子不死，復還潮陽，見張宏正於和平里，大罵，求死不得。越七日，始見張宏範，不屈。宏範客禮之。時為歲除前三日。祥興二年春正月，公遂發潮陽。陳懿後為其子所殺云。謹按公駐潮陽於雙忠祠蓮花峰外事蹟，則在和平里為多。里中今有文忠過化坊，即為公作者。其先後駐此當較久，宜其得為里人作此書。縣志則永樂、景泰、成化、宏治四志均佚，今志則云里舊名蠓墩，公始易今名，碑未載。又云：公在軍，常不寐，至此，始安寢。信宿，以地氣和平，故名之。則父老傳聞，恐非公當時意。此與里人所云：鑄公書於碑，樹之里門，蠓遂徙去者，意皆非事實。蟲介舊有今無者，亦事之常。蠓非鱷比，徙何為者？但里人以此增重公書，與韓公文作比例，意亦良厚，可姑存其說耳。書法厚重奇偉，非公不能作，審為真蹟。碑連龜趺，約高九尺許。大字三，曰「和平里」。每字高二尺許。小字九，曰「宋廬陵文山文天祥題」，每字二寸許。碑陰亦有字，漫滅不可辨。光緒己亥春二月，逢甲來潮陽過斯里，得拜觀焉。謹賦長句傳之，以告後人之憑弔忠節與志潮中金石者。

⁴ 自註：千秋鎮銘，鄒（左水右鳳）作；鎮舊屬潮陽。

⁵ 自註：五坡之敗，謝皋羽匿潮陽民間。

⁶ 自註：虹橋，今名平橋，宣和間僧大峰築。

⁷ 自註：宋史詔收卹流散忠義人，謂江淮來歸國者。

⁸ 自註：壺盧墩在臺灣縣北，近予故居。

⁹ 自註：嘉應故梅州，有凌風樓為公作，予丙申過此，有弔公詩。

¹⁰ 自註：丁酉夏在韓山書院夢見公；振華樓，書院中樓也。

			<p>會，祥興天子平胡年。里改今名定斯義，豈爲南中好天氣！幕府流離半死生，可惜無人述公意。更取千秋名鎮名，軍中鳳叔爲留銘⁴。當時赤手扶天意，誓欲界勿東南傾。五坡嶺邊鼓聲死，丞相北行殘局已。複壁猶藏痛哭人，此邑民原多義士⁵。東山誰築丞相祠？英風如見提師時。手酌睢陽守臣酒，口吟杜陵野老詩。殘疆更祝和平福，自爲里人畫此幅。墨瀋淋漓玉帶生，鐫上穹碑石痕綠。屢經劫火碑難燒，碑趺轟轟臨虹橋⁶。江流橋下天水碧，行客能言炎宋朝。大峰北宋公南宋，淒涼君國彌增慟。此橋曾過勤王師，斜日寒潮滿橋洞。魯戈迴日難中天，潮生潮落穹碑前。粵潮有信杭無信，空嗟三日簽降箋。南來未盡支天策，碧血丹心留片石。壯哉里門有此觀，大書三字碑七尺。字高二尺奇而雄，筆力直迫顏魯公。旁書九字廬陵某，過者千古懷孤忠。碑陰何人識何語？詢之里人不能舉。獨有公書永不磨，卓立四朝閱風雨。螻何爲者避公書，帖然徙去如鱷魚。爾雖么麼識忠義，愧彼賣國降虜奴。安得石闌周四角，上覆以亭備榱桷。公書縱道神物護，亦恐年深或斑剝。平生我忝忠義人⁷，浪萍還剩浮沉身。壺盧墩畔思故里⁸，義師散盡哀孤臣。凌風樓頭爲公弔⁹，振華樓頭夢公召¹⁰。眼前突兀見公書，古道居然顏色照。斗牛下瞰風雲扶，願打千本歸臨摹。何時和</p>	
--	--	--	---	--

				平真慰願，五洲一統胡塵無。	
1899	丘逢甲	〈寄懷黃公度(遵憲)〉 ¹¹	七律 2 首	茫茫遠道九秋思，渺渺涼波萬頃陂。八月靈槎虛漢使，三閭奇服怨湘妃。醉傾滄海麻姑酒，劫入商山橘叟棋。鐵漢高樓閒悵望，嶺雲南護黨人碑。 萬木蕭森夜有霜，登高懷古客心傷。斜陽澹作黃昏色，殘月遙分大白光。臥病夢持明主節，起居緘費遠人璫。著書閒對秋燈影，獨樂園中漏點長。	《丘逢甲集》 卷 6 頁 416
1899	丘逢甲	〈致黃公度信〉	書信	窮冬閉塞，萬化不張，三節郎當，蟄伏人海；極擬梅江信到，陽律吹春，或者枯荻怒萌，盎然生意；哀鳴二鳥，其知天地之心乎？乃者朵雲飛降，喜展愁眉；而紙盡十番，陽春寡和；心之遐矣，何金玉爾音耶？復以前書妄論，等于壽長自矜，呵責不加，獎逾常分，非所望也；然私竊疑，未免吉利所云將着之爐上耳！ 楹語劇佳，早代騰報。惟某三甲劣等，十指如椎，速之使書，若等擔糞！明知長者之命，義不宜辭，然君子用長，必遺其短，不以短見，當非所嫌；不然床頭捉刀人在，惟有詭名應命，意決非公所許也。公	《丘逢甲集》 頁 797

¹¹ 自註：黃公度名遵憲，嘉應州城外下市人，別號人境廬主，清孝廉，官至湖南布政使。

				<p>之愛才，同*先輩。先師在日，說士常甘；遺稿尙存，推公甚至，非經手檢零編，即公亦不知冥冥中尙有此知己。先師諸子，惟二三存，皆能讀書，不愧名父；所編文集，先出十三，聞寄滬濱，已上石印；家藏故書，未盡散落。惟絜園花石，已非舊觀；危樓故基，崇封三尺。安知華屋即作山丘，此情正不減過西州門矣！時事之感，楮墨難宣，俯仰人天，一時齊醉；爰性不飲，未免獨醒，奈何！奈何！觀察沈君，詳詢起居，屢囑致意。</p>	
1900	丘逢甲	〈古大夫宅下馬石歌〉 ¹²	雜言七言古體 27 句並序	<p>七百年來掩塵土，石與大夫俱氏古。大夫何許人？迺是紫虛仙人四世孫。宅在梅州州北門。眼前不見大夫宅，止見大夫下馬石。石立宣和之四年。大夫手鑄鎮宅錢。古錢出土銅銹紫，留與後人知宅址。錢鑄何年石能語，此石不刻黨人碑，又不貢築良岳兼花移。大夫五馬何逶迤？留題七星巖石方來歸¹³。大夫歸來立石日，天子尙未蒙塵時。當國者誰蔡太師。吁嗟時事已可知。大夫下馬心應悲，朝更代改宅何有？大夫名在馬骨朽。惟有此石長不剝，大書深刻苔花寒。摩挲欲具袍笏</p>	《丘逢甲集》卷 7 頁 480

¹² 自註：石在嘉應州北門。有黃氏築宅，擔土得古鎮宅錢以告公度京卿，詢其地曰下馬石，走視，因得此石，有文曰宣和四年古大夫宅立。大夫者，蓋古革也。京卿以摺文見示，乃爲作歌。

¹³ 自註：肇慶七星巖有古革，政和八年題名。

				拜，當作到氏奇礪看。	
1900	黃遵憲	〈南漢修慧寺千佛塔歌〉 ¹⁴	七言古體 90句並序	天龍不飛海蛟起，遙斥洛州爲刺史，萬事蕭閒署大夫，仍世風流作天子。無愁天子安樂公，黃屋左纛誇豪雄。當時十國均佞佛，此國佞佛尤能工。八萬四千塔何處？敕司特用烏金鑄。石趺鐵蓋花四圍，宮使沙門名列署。千家設供爭飯僧，百姓燒指添然燈。一州政得如斗大，亦造窳堵高層層。 此塔周圍佛千位，十方弟子同瞻禮。寶林銅鐘廣勸緣，雲華石室誰作	《人境廬詩草》卷 10 頁 899

¹⁴ 自註：塔爲南漢劉鋹時建，第一層有銘文曰：「敬勸眾緣，以烏金鑄造千佛塔七層於敬州修慧寺，剏塔亭，供養虔，繫歸善土，望皇躬玉曆千春，瑤圖萬歲。然願郡壇，康平，禾麥豐饒，軍民甯，雨調順，境歌詠。方隅，次以九有三塗，樂，亡魂滯魄，咸證人天。周圍，常隆瞻靜。以大寶八年乙丑歲大呂之月，設齋慶讚。」銘皆陰文。以光孝寺東西鐵塔證之，其三面當尙有題名，如乾亭寺銅鐘款，或并有眾緣弟子名。然無從尋視矣。此塔創建至今九百餘年，《廣東通志》、《嘉應州志》皆失載，即吳石華廣文《南漢金石志》搜羅極富，亦不之及。塔高約三四丈，上七層爲鐵鑄，下壘土築成，無從攀登，故不知塔頂有銘。乙丑兵燹以後，略毀而未壞。嗣爲群兒毀傷，日久遂圯。余歸里後求之鄰家，得塔銘一方。續得第五層全層，又得第三第四層之三方，及第二層之一方。考第二層有七十七佛，第三層六十七佛，第四層五十七佛，第五層三十七佛。由是推知第六層有十二佛，每面二百五十佛，合計則千佛也。最高之七層爲合尖頂應無像。第四層大佛旁有小字曰東方善德佛、北方相德佛、西方無量壽佛。南方殘缺，以釋典考之，當是南方梅壇德佛。佛皆趺坐斂袖，乘以蓮花。自第二至第六層，皆方隅。下有簷，寬約四寸。簷角有蟾蜍形，似以之繫鈴者。唯第一層無簷，有立像二，在兩隅，似是四天王，其數應不在佛中也。考敬州於南漢主劉晟乾和三年，即潮州之程鄉縣升爲州，領縣一。修慧寺不入志中，寺址亦未悉所在。塔距余家僅數牛鳴地，巋然立岡上，亦無塔亭。故老傳言，乾隆初年，由前州牧王者輔，於今之齊洲寺移來。寺去塔不遠。然修慧寺何以易名？志既失載，又無碑可證矣。余所得殘整各塊，均置於人境廬。其塔銘則供息亭中。以囑溫慕柳檢討補入新志中，復作此詩以誌緣幸。

			<p>記？坐花共數蓮幾枝，剔鏽尙餘銘百字。下言人鬼共安康，上祝國皇壽千歲。噫嘻劉氏五十年，一方嶺蝥殊可憐。畫地爲牢聚蛇毒，殺人下酒垂蛟涎，離宮深處即地獄，鐵牀湯鑊窮烹煎，兔絲吞骨龍作醢，諸劉遺種無一全。人人被髮欲上訴，亡魂怨魄誰解冤？</p> <p>編玉爲堂柱念四，媚川采珠人八千。壘山日輸贖罪石，入城亦費導行錢。錢王媚佛善搜括，比此尙覺差安便。賣兒貼婦竭膏血，一塔豈有功德緣！爾時王此昏荒國，方詡極樂叨利天。紅雲張宴飽荔子，素馨如雪堆花田。朝出呼鸞引幢蓋，暮歸走馬委珠鈿。魚英供壺甘露味，翠屏舞鏡春風顛。大體雙雙學豬媚，微行側側攜蟾仙。樓羅檢歷縱嬉戲，候窗設監酣醉眠。女巫霞裾坐決事，彼昏只倚常侍賢。自謂此樂千萬歲，還丹不服貪流連。誰知執挺降王長，屈指造塔剛七年。</p> <p>星流雨至時事改，風輪轉劫無不壞，銅壺滴漏幾須臾，倏忽到今九百載。金蠶往往賣珠市，玉魚時時出銀海，康陵荒廢馬墳空，此塔金身巋然在。賜田補鉢亦荒蕪，廢像模銅失光彩，人間理亂百不聞，菩薩低眉猶故態。</p> <p>吁嗟乎！佛雖無福亦無殃，而今宗教多荒唐。木鐸廣招諸弟子，白絹妄說空家鄉。中西同異久積憤，一朝糜爛如蝸蟻。誰人秉國竟養盜，</p>	
--	--	--	---	--

				坐引強敵侵畿疆？天魔紛擾修羅戰，神兵六甲走且僵。大千破碎六種動，恐與佛國同淪亡。長安北望淚如瀉，空亭徘徊夕陽下，問佛不言佛羊啞。趙佗竊號何真降，孰能保此一方者？	
1900	丘逢甲	〈南漢敬州修慧寺千佛鐵塔歌〉 ¹⁵	七言古體 76句並序	五金之用鐵爲廣，惜哉竟付降王長。上供鑄柱下鑄床，更鑄貪癡佞佛想。有鐵不遣鑄五兵，又不鑄器資民生。峨峨兩塔奉敕造，民間觀者如風傾。梅水東來避災地，上有先朝修慧寺。眼中突兀宰堵波，不惜烏金鑄文字。誰歟銘者工祝詞，賢劫千佛森威儀。皇圖欲仗佛力固，安知天降香孩兒。一鐵圍山一世界，劫火中燒萬法壞。巍然此塔九百年，相輪夜轉罡風快。豈惟牛角難長延，眼看宋蹶元明顛。敬州遺事共誰說，塔端鈴語缺不圓。塔鑄何時歲乙丑，有大力者負以走。十五乙丑塔乃傾，敢信佛緣能不朽。自從象教嗟中衰，中分淨土參耶回。	《丘逢甲集》 卷7頁481

¹⁵ 自註：庚子秋，游梅口鎮，溫柳介同年示以黃公度京卿所寄南漢敬州修慧寺千佛鐵塔銘搨本，矜爲創獲。及冬，抵州謁京卿，得見塔殘鐵，其第七層一方即銘文，三方缺，故不知鑄者、銘者姓名。四層及六、七層之半俱佛像，以所得約之，知塔有千佛。惜缺者無從覓，不能見其全矣。塔蓋南漢劉鋹時，州民募建以祝福者。與光孝寺東西鐵塔奉敕造者先後同時，計大寶八年乙丑歲建而始毀於同治四年乙丑，閱歲乙丑者已十有五。銘文詞近爾雅，書亦具體顏平原。州中之金，此爲最古，惜省志、州志俱未載。吳石華先生南漢金石志搜羅甚廣，亦失之眉睫，致久鬱而不顯，浸至殘毀無過問者。今京卿得焉，不可謂非此塔、此鐵之遭也。塔址在一小山上，梅江繞其下，去入境廬不半里，登璇樓可望見。惟修慧寺今不知何所。或云康熙間塔自齊州寺移建今址，然無可考證，亦第故老相傳云爾。京卿已屬柳介載入今州志，復作歌屬予和焉。弔古慨今；遂有斯作。

				<p>競假天堂地獄說，乘虛與佛爭東來。東來明星張國燄，礮雨槍雲鐵飛艦。天經啐罷萬靈噤，海旂颯處千官詔。與之抗者談真空，白蓮萬朵開魔風。誰云此獠有佛性，妖騰怪蹕巾何紅？此亦當今一張角，滿地黃花亂曾作。國成誰秉邪召邪，聚鐵群驚鑄此錯。黃金臺邊鐵血殷，六龍西幸趨函關。麻鞋何日見天子？小臣足繭哀荒山。梅山蒼蒼梅水碧，雄心陶寫付金石。眼賊殘鐵南漢年，古鏽斑斕鐵花積。當時鑄者知何人，寺荒塔壞朝屢新。小南強花空供養，即今諸佛無完身。鐵不得用鐵之辱，海風夜嘯蛟涎濁。神州莽莽將陸沉，諸天應下金仙哭。謂佛不靈佛儻靈，睡獅一吼甯而醒。破敵神兵退六甲，開山力士驅五丁。五嶺雄奇積煤鐵，礦政未修民曷殖！地不愛寶資中興，會須富國兼強國。吾國平等存佛心，紛紛種教休交侵。行看手鑄新世界，采山有詔需南金。人天同慶迴末劫，王氣寧容霸氣雜。神力永鎮閻浮提，何須四萬八千塔？</p>	
1900	黃遵憲	〈寄懷丘仲闕逢甲〉	七律 1 首	<p>滄海歸來鬢欲殘，此身商榷到蒲團。哀絃怕聽家山破，醇酒還愁來日難。繞樹烏尋誰屋好？銜雛燕喜舊巢安。朝朝曳杖看山去，看到斜陽莫倚欄。</p>	《人境廬詩草》卷 10 頁 883
1900	黃遵憲	〈感事又寄懷〉	七律 2 首	<p>萬目眈眈大九州，神叢爭博正探籌。何堪白刃張拳黨，更擾黃花落地</p>	《人境廬詩

		丘仲闕)		秋。石破真驚天壓已，陸沉可有地理憂？前番尙得安身處，莫說寒蕪赤嵌愁。 三邊烽火照甘泉，聞道津橋泣杜鵑。帝釋亦愁龍漢劫，天災況值鼠妖年。流離苦語傳黃蘗，盜竊迷香幻白蓮。漫寫哀辭金鹿痛，人間何事不顛連。	草》卷 10 頁 884
1900	丘逢甲	〈久旱得雨初霽，飲人境廬，時間和局將定〉	七律 2 首	忍把乾坤付醉鄉，登樓休負好秋光。黃龍約改清鐘酒，白雁聲催故國霜。老樹半凋開遠目，菊花無恙展重陽。美人消息來何暮？悵望秦雲各盡觴。 得雨雖遲也勝無，東皋預計麥苗蘇。青天轉粟趨行在，黃海傳烽迫上都。已歎鼇翻難立極，豈容龍醒更遺珠。至尊薪膽勞明詔，醉撫橫腰玉鹿盧。	《丘逢甲集》卷 7 頁 484
1900	黃遵憲	〈久旱雨霽丘仲闕過訪，飲人境廬，仲闕有詩，兼慨近事依韻和之〉	七律 2 首	生菱碎盡賸湖光，未落秋花半染霜。舉目山何故無恙，驚心風雨既重陽。麻鞋袞袞趨天闕，華蓋遲遲返帝鄉。話到黃龍清酒約，唏噓無語忍銜觴。 蒹葭秋老臥江湖，有客敲門夢乍蘇，海外瀛談勞炙輶，電中天笑詫投壺，自循短髮羞吹帽，	《人境廬詩草》卷 10 頁 950

1900	丘逢甲	〈用前韻賦答 人境廬主見和 之作〉 ¹⁶	七律 2 首	無物消愁且舉觴，自拚千日醉程鄉。誰張仙樂迎金母？漫詫神兵下玉皇。竭井難醫狂國病，剪燈空弔女宮殤。白蓮飄盡黃蓮死，惆悵尊前說酒王 ¹⁷ 。 百二河山未定都，金鼇戴主識原誣。日迴舊馭長安遠，月送殘更太白孤。鉤黨重翻十常侍，璽書新款五單于。群公休守偏安局，推背猶存一統圖。	《丘逢甲集》 卷 7 頁 485
1900	黃遵憲	〈再用前韻酬 仲闕〉	七律 2 首	夜雨紅燈話夢梁，人言十事九荒唐。任移斗柄嗟王母，枉執干戈痛國殤。博戲幾人朱果擲？劫灰徧地白蓮香。殘山一角攜君看，差喜無須割地償。 北望鈞天帝所都，詔書昨拜執金吾。羞言玉璽褒新事，淒絕霓旌幸蜀圖。牛李尙尋鉤黨禍，晉秦能作一家無？尊王第一和戎策，誰唱迎鑾作先驅？	《人境廬詩 草》卷 10 頁 952
1900	丘逢甲	〈三用韻奉答〉	七律 2 首	浮雲西北鬱蒼蒼，殘角秋城淚萬行。朋黨禍仍流丑相，太平功竟錄申王。眼中木槿花榮落，身後梧桐樹短長。自把千秋付杯酒，湖山無恙	《丘逢甲集》 卷 7 頁 485

¹⁶ 自註：賦答人境廬主見和之作。此詩指義和團亂、八國聯軍入京、兩宮西狩、北京議和事。

¹⁷ 自註：義和拳謂玉皇遣天兵八百萬，紅燈照祀黎山老母，爲首者自稱黃蓮聖母，見近人撰天津一月記。義和拳出於白蓮教，見近人撰義和拳源流考。某邸父嗜酒，俗有酒王號。

				<p>膾蕁香。</p> <p>狼星妖燄壓威弧，八部群龍護曼殊。朱果在天持剝運，黃花滿地禍神都。入山我自尋青主¹⁸，望海人誰鑿黑奴？漢德未衰豪傑出，不須重唱鼓嚨胡。</p>	
1900	黃遵憲	〈三用前韻〉	七律 2 首	<p>秋草灤河輦路荒，牛車重又冒風霜。國人爭看天魔舞，帝女難言神鵲祥。今尚拳拳持璽綬，人言籍籍撲縑囊。蕪蔓豆粥艱辛處，應憶東朝樂未央。</p> <p>無人伏闕諫青蒲，事誤都由七尺孤。當壁咸尊十阿父，折箠思服小單于。黃（左衣右羅）擁護難爲婦，寶玦淒涼乞作奴。同此王稱同此禍，早知金狄讖非誣。</p>	《人境廬詩草》卷 10 頁 955
1900	丘逢甲	〈四用韻奉答〉	七律 2 首	<p>滄海塵蒙鏡殿光，公卿同哭牝朝亡。河陰兵問充華罪，樂府歌殘斌媚章。往事數錢憐姹女，異邦傳檄過賓王。枉崇聖母無生法，難遣神兵禦列強。</p> <p>延秋門冷夜啼烏，寶玦王孫泣路隅。已棄此身同腐鼠，有威平日假妖狐。北庭飛雪行頭遠，南斗流星應象殊。待唱迎鸞收野哭，五陵佳氣</p>	《丘逢甲集》卷 7 頁 486

¹⁸ 自註：人境廬主自署公之它。

				未全無。	
1900	黃遵憲	〈四用前韻〉	七律 2 首	撼門環哭呼高皇，鐘簾何人奉太常？墮地金甌成瓦注，在天貫索指銀潢。歸元纁篋催函送，計口緡錢責幣償。豈獨漢唐無此禍，五洲驚怪國人狂。 聚語踰閭二大夫，報書未服五單于。華離倘免分瓜苦，焚亂難遲蔓草圖。藉口豈徒徵紀（左右瓦），空拳尚欲曜威弧。禱天莫作遷延役，早已荆榛萬骨枯。	《人境廬詩草》卷 10 頁 958
1900	丘逢甲	〈雨中游祥雲庵五用前韻〉	七律 2 首	九州誰土是吾鄉，無地埋憂問佛忙。黯黯山容都入睡，冥冥雲氣果何祥！當關虎豹愁逢石，在水鼃鼃懶架梁。忽策青驪思蜀道，雨中鈴語太郎當。 未解天心悔禍無？干戈滿地客愁孤。分爭淨土魔何眾，遯守荒山佛太愚。家法老僧惟託鉢，人言群盜尚偷珠。西風淚灑山門柳，蝕盡秋蟲守舊株。	《丘逢甲集》卷 7 頁 486
1900	黃遵憲	〈五用前韻〉	七律 2 首	盜璽曾聞罪贊襄，如何在鼎九刑忘。君臣相顧如騎虎，父子難為隱攘羊。今日家居誰撞壞？老身社飯自思量。忽傳罪己興元詔，霑灑青霄淚萬行。 掩抑魚軒賦載趨，吞聲在野鵠跼跼。扈行尚縱花門賊，入衛難徵竹使	《人境廬詩草》卷 10 頁 961

				符。舊夢百年仍鎖港，殘山半壁欲遷都。最憐黃鶴樓中客，西望長安淚眼枯。	
1900	丘逢甲	〈六用前韻奉答〉	七律 2 首	秋色西來接太行，故鄉回首虜塵黃。淒涼汾水沾衣淚，倉卒蕪亭煮麥香。歲幣檜倫遲款敵，軍書操紹託勤王。斜陽萬里橋邊路，誰奉當歸祝上皇。 縱不人誅亦鬼誅，生靈百萬死何辜！斷難大義容三叔，休遣清談禦五胡。行在陽秋書待著，廣明庚子事原殊。中朝國法兼家法，遏必隆刀可在無！	《丘逢甲集》 卷 7 頁 487
1900	黃遵憲	〈六用前韻〉	七律 2 首	噫嘻諸將敢連衡，傳檄清奸告四方。狼角盡除塵盡埽，龍顏重奉日重光。到今北闕猶朝拱，豈有西鄰妄責償。汾水秋風太行雨，幾人南望感勤王。 天何沉醉國何辜？橫使諸華擾五胡。照海紅燈迎聖母，驚人銅版踏耶穌。奇聞竟合諸天戰，改色愁看蓋地圖。到此鵲喧鳩聚語，猶誇魔術詔神符。	《人境廬詩草》卷 10 頁 964
1900	丘逢甲	〈遊西巖靈境〉	七律 2 首	七百年中電火忙，元城遊處佛靈彰。後來鸚鵡新禪長，曾忤猢猻舊隊	《丘逢甲集》

¹⁹ 自註：綠榕橋榕已枯。

		院七用前韻)		王。山尙有神能逐客，僧關何黨亦投荒。行人難解衰朝恨，黃葉空林話夕陽。 綠失榕陰老樹枯，津梁疲後佛心孤 ¹⁹ 。劫塵西起遮靈鷲，禪派東來出野狐。何事揮拳學僧耳，共驚遺教演鴻儒。登高欲寫哀時意，十里殘山叫螻蛄。	卷 7 頁 487
1900	黃遵憲	〈七用前韻〉	七律 2 首	擾擾橫開傀儡場，四方傳笑國昏荒。夢鸚終悔臨朝武，氏（左虫右孛）應編異姓王。賜劍乍悲吳命短，執戈又弔楚辭殤。賴姦掩賊知難活，殲我良人孰索償？ 落葉秋風怨帝梧，天寒誰爲送褰襦？六宮亦寫零丁帖，九牧旁觀罔兩圖。列仗黃麾函促送，蒙頭氈毳病應蘇。轉旋龍馭歸何日？恨未前驅手執殳。	《人境廬詩草》卷 10 頁 967
1900	丘逢甲	〈聞歌有憶，八用前韻〉	七律 2 首	碧落歸來舊侍郎，鈞天尋夢淚霑裳。皇娥倚瑟歌何豔！王母開筵樂未央。龍漢劫深愁魘舞，蚩尤兵迫罷媧簧。瑤池小隊停仙俸，齊向西華祝吉祥。 渺渺瑤京帝所都，霓裳故部尙存無？九龍欲竊天公位，四象全翻太極圖。此劫本來關運會，諸仙平日太嬉娛。可哀休唱人間曲，顛倒先將斗柄扶。	《丘逢甲集》卷 7 頁 488

1900	黃遵憲	〈八用前韻〉	七律 2 首	<p>驚天重鼓女媧簧，橫逼君絃變履霜。跪地習聞提冒絮，奪門禍遂起蕭牆。日中傾蜺何無忌，海外醫龍竟有方。聞道八神齊警蹕，人間早既唱堂堂。</p> <p>鸞聲夾道聽謹呼，重覩官儀返上都。三月驪求思德化，諸天龍節護曼殊。中央土復尊黃帝，十等人能免黑奴。賴我聖君還我土，人人流涕說康衢。</p>	《人境廬詩草》卷 10 頁 969
1900	丘逢甲	〈九用前韻〉	七律 2 首	<p>滿目獅章更鷲章，沉沉龍氣不飛揚。秋風石馬昭陵慟，夜雨金牛蜀道長。元老治軍收白（上艸下力），中朝厄閏等黃楊。若教死殉論忠義，何止區區李侍郎！</p> <p>金幣全輸玉並俘，止兵幡未下騶虞。六宮急作拋家髻，三界難飛召將符。殿下雷顛嘗大敵，軍中風角走妖巫。即今神聖猶爭頌，莫笑當時莽大夫。</p>	《丘逢甲集》卷 7 頁 488
1900	丘逢甲	〈十用前韻〉	七律 2 首	<p>一笑當時果滅洋，紅巾白帽滿朝堂。花門首出中興將，米賊兼封異姓王。銅版令嚴誅異教，鐵牌制毀奏權璫。可憐刻木牽絲拙，袍笏空登傀儡場。</p> <p>竟難赤黑辨狐烏，眼底雲成萬變圖。名士窮搜呼作賊，王孫苦道乞爲奴。蘭沉慟留湘水，禾黍餘哀戀亳都。涕淚新亭果何益，有人江左薄</p>	《丘逢甲集》卷 7 頁 489

				夷吾。	
1900	丘逢甲	〈十一用前韻〉 20	七律 2 首	不須復古但尊王，一旅終興夏少康。菜葉西風今冷落，茄花滿地舊披猖。傳書漫遣三青鳥，貢品休徵四白狼。馬上黃塵猶眯目，早教簾撤聖神皇。 河山北戒鬱盤紆，天險關門舊備胡。九廟未遷先世鼎，兩京誰掃故宮蕪！悲歌易水無豪俠，買骨金臺有鈍鴛。往事怕談元代史，曾收西域略忻都。	《丘逢甲集》 卷 7 頁 489
1900	黃遵憲	〈和平里行和丘仲闕〉 ²¹	雜言 七言 古體 50 句 並序	豐碑巍巍土花碧，大書和平字深刻。此鄉曾駐勤王師，下馬來拜文信國。澄潭小渚風不波，奇卉美箭枝交柯，手攜酒壺背釣蓑，彼是文山安樂窩。日氣火氣蒸濕暑，人聲鬼聲雜風雨，身倚窮牆立園土，此乃	《人境廬詩草》卷 10 頁 1022

²⁰ 自註：早教簾撤聖神皇，時慈禧太后仍垂簾聽政，德宗不能展志。

²¹ 自註：潮陽縣有碑曰和平里，碑九尺許，每字高二尺許。小字九，曰「宋廬陵文山文天祥題」。和平里不見於宋史，惟鄧光薦丞相傳云：「公駐和平市，攻陳懿黨。意後隔海港，步騎未能遽前。而陳懿乃引導北師張弘正，潛具舟濟，輕騎直造督帳。」劉岳申傳云：「公方飯五坡嶺，步騎奄至。公不得脫，服腦子不死。眾擁之上馬，見張弘正於和平，大罵求死。」和平蓋即此地。初，潮之士民請公移行府於潮，公進潮陽，誅懿黨劉興，適雛（左水右鳳）、劉子俊等，亦以民兵數千自江西至。指南錄所謂「稍平群盜，人心翕然」，即此時事。鄧中甫云：「因潮之民，阻山海之險，使假以歲月，增兵峙糧，以立中興之本，亦吾國之莒、即墨也。乃逆懿懼誅，潛師夜襲，卒陷絕地，謂非天乎！」公於祥興元年十一月屯潮陽，即住和平市。十二月十五日，趨海豐，入南嶺，二十日被執，越七日入虜營。討逆寇於此，見虜帥亦於此，先後凡一月有奇。里人獲公書，珍襲而摹刻之。以公忠義之氣，感人之深也，百世之下猶興起，況親見公書者耶！固其宜也。仲闕歸自台灣，客于潮，作詩寄余。歲暮感事，因追和之，距文山住此時六百二十四年矣。庚子歲除前三日。

				<p>南冠囚繫處。少日里居殊安康，中年國難多搶攘，最公一生所踐履，大都惶恐灘與零丁洋。</p> <p>紅塵蔽天走胡騎，海水群飛無立地，飄流絕島君若臣，行在朝衣頻拭淚。自從辛苦賊中來，萬死一生艱險備。今夕何夕夢稍安，此身卻在和平里。想見淋漓落筆時，滿腔攬轡澄清志。八千子弟方募兵，欲倚即墨復齊城，有田有成眾一旅，天若祚宋期中興，摩厓上刻浯溪頌，安知不署臣結名？崖山一哭舟盡覆，公竟囚車隨北征。</p> <p>吁嗟乎！從古未聞純是夷虜世，剪分鶉首天何醉？撥亂無聞平賊功，劫盟莫講和戎利。丘生丘生吾與汝，坐視金甌缺復碎。想公馳檄召勤王，對我父老愧欲死。公魂歸天在柴市，今日鄰軍猶設祭。矧公畫日親筆書，字字風霜留正氣。孤城隱隱烟霧遮，大江濺沫飛春沙。寒山片石月來照，中有光芒非公耶？</p>	
1900	丘逢甲	〈寄懷公度(時十二月立春前三日)〉	七律 2 首	<p>梅花消息最分明，已報山中歲欲更。野草初蘇呼鹿友，江波微長受鷗盟。高門盤菜神京夢，伏枕鱸香畫省情。一卷公羊宜起疾，先春重與訂王正。</p> <p>北風吹雪晝紛紛，盼得微晴日未曛。掃血故巢歸蜀帝，招魂香草待湘君。驚回夜豹寒中吠，喚起春牛夢裏文。無限登高賦詩意，況因八表</p>	《丘逢甲集》 卷 7 頁 495

				悵停雲。	
1900	丘逢甲	〈黃公度人境 廬詩草跋〉	跋文	<p>四卷以前爲舊世界詩，四卷以後乃爲新世界詩。茫茫詩海，手闢新洲，此詩世界之哥倫布也。變舊詩國爲新詩國，慘淡經營，不酬其志不已，是爲詩人中嘉富洱；合眾舊詩國爲一大新詩國，縱橫捭闔，卒告成功，是爲詩人中俾思麥。爲哥倫布，偉矣！足以豪矣！而究非作者所自安。第此世界，能爲嘉富洱、爲俾思麥，乃竟僅使爲詩世界之嘉富洱、俾思麥。世界之國，惟詩國最足以消人雄心，磨人壯志，令人自歌自哭，自狂自聖，此而需嘉富洱、俾思麥胡爲者？乃竟若迫之不能不爲嘉富洱、俾思麥於詩國，天耶人耶？既念作者，行自悼耳！</p> <p>然在詩言詩，則已不妨前有古人，而我自爲大宗；後有來者，而我自爲初祖矣！開卷蓋如入文明之國，至其境而耳目一新，抵其都市，游其宮廷，過其府舍，無一不新者。察之，則政政畢立，而創因見焉；事事畢舉，而疏密見焉。即其治象，其國度之高下，可得而言也。故分體而論，則五律與四卷以前，可謂曰美。四卷後七古乃美而大；七絕大矣，而未盡化也。已大而化，其五古乎！七律乎！地球不壞，黃種不滅，詩教永存，有倡廟祀詩聖者，太牢之享，必有一席。信作者兼自信也！懸此言集中，二十世紀中人，必有聖其言者。</p>	《丘逢甲集》 頁 815、《人境 廬詩草》跋頁 1088

				<p>庚子入冬後七日，逢甲跋。</p> <p>海內之能於詩中開新世界者，公外，僂指可盡。忽有自海外來與公共此土者，相去只三十西里耳！後賢推論，且將以此土為東方詩國之薩摩、長門，豈非快事？然開先之功，已日星河嶽於此世界矣。逢甲又識。</p>	
1905	丘逢甲	〈挽黃遵憲聯〉	對聯	<p>論文章經濟，均足千秋，從今憑弔孤城，落日登樓，詎竟騎鯨哀鐵漢；</p> <p>合公義私情，來伸一慟，賸我惓懷祖國，臨風灑淚，更同鈞黨哭林宗。</p>	《丘逢甲集》 頁 696